

明南文集卷第一

山陰陸沂

綫裝書局

表

天中節賀表

化國之日舒以長運啓千齡之盛天子有父
尊之至心均萬寓之驩敢即昌期虔申壽祝
中賀恭惟大

任繼愈署簽



宋集珍本叢刊

第七十六冊

四川大學古籍整理研究所 編

儒藏系列

宋集珍本叢刊

第七十六冊

任繼愈署簽



綫裝書局

中國·北京二〇〇四年

第七十六冊目錄

西山先生真文忠公文集(續)

真德秀

重校鶴山先生大全文集

明嘉靖銅活字印本

魏了翁

五九一

西山先生真文忠公文集卷第十二

對越甲藁

舉刺

奏乞將知太平州當塗縣謝湯中罷斥

主簿王長民鐫降狀

臣猥以鴛庸將漕江左屬旱蝗相仍民物告病
朝夕憂懼寢食靡遑仰賴仁聖盛明之朝哀矜
元元蠲租發廩無所愛惜飢疫之氓賴以少蘇
然某傳來衆言皆謂艱食之日尚長迺續民命
唯仰二麥故於八日間鐫板勸民種植且控請

西山先生真文忠公文集

卷十二

宋集珍
本叢刊

于 朝乞撥降錢楮貸民糴種復應報可之命
尚遲亟以本司椿管錢一萬貫發下太平廣德
兩郡委自令佐措置給借第四等以下耕農之
家文移丁寧非不切至意謂近民之官必能恪
意遵行永幾當塗之民乃有以給散不公諸臣
陳懇者及臣以巡察荒政躬至當塗而來懇者
愈衆蓋保正縣胥相爲表裏賄賂苟行則有以
一戶而獲數十千者囑託不至則有候伺累日
而財得百餘金者推原其故皆由知縣謝湯中
者身爲邑長略無惻怛愛民之心提監司行移

漫爲文具始則漫然付之吏手繼則一切護之
佐官致使吏姦恣行無所忌憚侵移說冒色色
有之臣以民訟至多不容但已遂將典押陳杞
等械送州獄尋據勘到本縣元永州帖發下官
會一千貫除節次給借人戶外餘錢四百二十
三貫有奇皆係陳杞等擅行侵用或以入己或
以供官甚而知縣料理考任主簿修造廨宇亦
料縣吏出錢吏無從出則取辦于此臣竊考椿
管錢物非在指揮不許支用臣以憂民之切不
暇便文自營方自効于 朝乞正專輒之罪而

西山先生真文忠公文集

卷十二

宋集珍
本叢刊

官吏乃奉行威裂如此今當舉行荒政之際若
使官吏人人如當塗縣事事如麥種錢則凡
陛下所捐以予民者皆將化爲烏有矣若生
靈何所依賴臣除一面將勘到公吏照條施行
外所有通直郎知太平州當塗縣謝湯中不職
之罪實難倖免况料理考任乃其私事輒行科
配吏人致使將官錢侵用其平時律已抑又可
知伏望 聖慈將湯中特賜罷斥使州縣之吏
咸知究心荒政不敢苟簡庶幾實惠得以及民
實一道大幸謹錄奏聞伏候 勅旨并申尚書

省御史臺諫院取指揮施行

小貼子照得當塗縣丞賈敷言主簿王長民
皆同任給散之責二人者亦漫不警省縣吏
持詭名之狀請判敷言等更不詰問便即支
錢臣各已移文令其具析今契勘敷言之罪
止是鹵莽猶為可恕若長民者書生為吏乃
於歲儉民飢之日初新官合據獄司勘到陳
杞等供稱主簿聽人吏李顯祖賈批貼告報
本縣自押錄手分鄉貼司抄寫人各名料納
添助修造錢多少有差陳杞等無從擘劃遂
於麥種錢內擅支四十四貫以納本廳續又
侵支四貫五百買物以犒匠者蓋今州縣之
官凡百非泛用度率多敷配吏人相習成風
視為常事不思此曹果何從出若非浸移官
物則必接受民財此風不除為害非淺伏望
聖慈將長民量行鑄降使官吏稍知警飭不
勝幸甚

奏乞將知寧國府南陵縣丞李仁任罷黜

廣德軍廣德縣丞馮兢送部與獄伺狀

臣竊惟邑之有丞所以協贊其長治一邑之政

西山先生真文忠公文集

卷十二

三

宋集珍
本叢刊

西山先生真文忠公文集

卷十二

四

宋集珍
本叢刊

若乃狠傲而陵上昏耗而失職有一于此是謂
負丞臣以廉察為官豈容置而不問伏見宣教
郎知寧國府南陵縣丞李仁任故參政彥穎之
孫而澄之子也淳厚端良有泰祖烈輕儇薄
厥有父風本縣去歲苗傷為一郡最賑飢檢旱
若疎頭然惟令與丞均當任責而仁任乃以被
檄為名委其職而去卧家數月恬若不聞畔官
離次已為可罪近以州郡文移督促始不獲已
還任遷怒邑宰百端侵陵自典吏而下不時挫
至其庭斷以大杖訊決動至數百械繫或至通
宵且以知縣妄用官錢偏申臺府及守臣張忠
恕索賄驅磨縣家所用皆有去署仁任之言莫
非詆誣臣考諸公論皆以仁任為不直遂對移
蕪湖縣上簿冀其少戢而仁任更無一字遵稟
徑翩然以歸非惟不有邑長且不有監司矣臣
所謂狠傲而陵上者仁任是也迪功郎廣德軍
廣德縣丞馮兢年迫桑榆志氣衰落間嘗攝邑
頗乏廉聲近以本軍檄往平江般運制置司對
撥米斛群情喁喁日望船粟之至而兢乃以黠
胥自隨縱其侵漁船戶錢物遂使船戶公為欺

獎盜糶官米九七十餘石當飢民仰哺之際一
勺一合皆為可惜孰為監臨官不能檢察以致
散失米斛其多如此豈容逃責臣所謂昏耗而
失職者孰是也二人者一則少而狂一則老而
繆俱難存留在任伏望 聖慈將仁任罷黜
送部與獄朝俾以吏者知所警飭實一道幸
甚謹錄奏聞伏候 勅旨并申尚書省御史臺
諫院照會

奏乞將知寧國府張忠恕亟賜罷黜

臣竊惟天災流行雖盛世不能免惟上而 朝

西山先生真文忠公文集

卷十二

五

宋集珍
本叢刊

廷下而守令至誠以憂之盡力以拯之則民雖
不幸而遇凶歲可使骨肉相保而無流離全其
天年而不至殍路以死昔人有云剪爪宜及膚
割髮宜及體仁人之於拯溺雖髮膚有所不愛
況其他乎富弼之在青州存恤流民如其家之
子弟趙抃之在越賑饑樂病多出私錢蓋為君
上牧元元為國家固根本法當如此臣以驚劣
將漕江東屬歲旱蝗民物告病仰賴 陛下仁
聖哀憫無告之民散財發粟以鉅萬計真可謂
堯湯之用心而臣徧察州縣間求其至誠惻怛

恪意奉行者則何其甚寡未嘗不仰歎 朝廷
之至仁而答官吏之不仁也聞者蓋嘗以給貸
麥種錢縱吏盜用而効一令矣又嘗以搬運米
斛縱吏為姦而効一丞矣若乃身為二千石而
志不在民將 朝廷賑濟之米指留破用其罪
有甚於二人者乃獨置而不問則是纖悉於小
官而鹵莽於大吏也臣謹按朝散郎權發遣寧
國府張忠恕以輕保浮薄之資濟之以陰狡誕
謾之術曩守雲川汙穢無檢為憲臣所劾僥倖
獲免自以為能及來宛陵貪恣益甚聞告計之

西山先生真文忠公文集

卷十二

六

宋集珍
本叢刊

門以陰求人過一詞骨畢牽連入獄有辜犯甚
微而遭編竄者崇聚斂之政以傾奪民財極意
剝削一孔不遺有連父無幾而遭估籍者邦人
畏之甚於豺虎去夏亢陽種不入土臣以手書
與諸郡豫講振荒事宜獨忠恕條畫燦然本末
甚備臣大喜過望亟下其所申於諸州俾視以
為式居無何有自宛陵來者乃言其境內飛蝗
塞路粟直翔貴州郡估若不聞臣竊怪之何其
言之工而實不副也近者循行太平廣德二郡
其地與宣犬牙相入薦紳父老多為臣言宣境

之民憔悴尤甚振恤之事殊未有倫傳聞鄰境散錢給米已至一再有恨不得爲旁郡民者臣亟馳書提舉常平李道傳聞其數道傳復書以爲宣之六縣地最大旱最甚前後所申最詳而事最不舉臣謂道傳此言實深中其情而忠孝方且哀類成快一一記載若已記事之爲者臣得而讀之則虛詞多而實事少略於給散而詳於勸分其間有月濟二日糶四日者濟米出於官司糶米取於上戶官司所惠既微而上戶之米又盡充官糶不知自餘日分細民何所仰食

西山先生真文忠公文集

卷十二

七

宋集珍
本叢刊

未幾承常平司牒稱寧國府昨蒙朝廷撥賜轉般倉并義倉米凡十一萬七千三百六十二石而本府撥下諸縣爲賑濟用者止五萬六千二百四十六石其餘六萬一千餘石未見去署遂行疏問忠恕雖巧爲分擘回中而氣餒詞窮不可掩覆姑摭數項言之如諸縣合糶人戶已將勸分米充數矣而忠恕復於賑濟米內重疊支破在城安濟坊孤老并諸縣乞丐人已將常平米給散矣而忠恕復於賑濟米內重疊銷豁兩獄罪囚土牢編管等人并家累重大官兵月

糧口食州郡自當指辦而忠恕亦於賑濟米內拘留其他虛支大破色目非一猶且攤布不行復將二千三百七十餘石指爲灰蛀欠折之數不思上供綱米係嘉定七年新收而義食米亦近常平司委官覆實灰蛀欠折何至若是之多公爲誕妄一至於此原忠恕本意自謂文移眩惑可以欺人冀將官米賄行乾沒不虞道傳單車入境盡索文歷鉤校條析具得其情倉猝報應姦狀畢露蓋其平時習氣以此爲常當書報金無所忌憚獨不念一郡數十萬生靈救若如

西山先生真文忠公文集

卷十二

八

宋集珍
本叢刊

在溝壑陛下不惜太倉之積粒之於垂絕之中爲守臣者縱不能有所附益其忍爲侵漁之計乎且朝廷至嘗因忠恕之請頒祠牒截綱米以贍州用矣惜令經費猶或不足夫豈他無樽節之方何至紛飢民之臂而奪之食其亦可謂不仁之尤者矣况荒政之行當以賑濟爲主勸分爲輔蓋有司不惜官廩以惠民然後可責富室不私藏以惠鄉里今忠恕於朝廷所賜則妄行破用於民間所有則根括無餘形迫勢馳一切不卹考諸民間有家產僅千錢而勸令

認米四百石者有因公事至庭而罰米數百石者民間畏其重轍止得僥倖聽從據忠恕所中六縣人戶認米凡十二萬八千九百餘石苟非以無道行之其能致多若是乎如涇縣土瘠民貧所科亦一萬一千四百餘石忠恕尚怒其少形之批判必欲其急作措置否則縣官按委黜責與吏刺配嶺海是趣迫官吏使之毒民也以忠恕之政無善狀士大夫皆謂豺狼不問責實而在臣而臣獨容忍久而未發者尚欲責以拯荒之效故也今察其所為決無可望之理而春夏

之交青黃未接正是民飢之時必待其饑年疊疊死亡枕藉然後舉劾其亦晚矣臣與憲倉二司雖分州措置荒政然於官吏臧否則自當通察用敢不避仇怨疏其罪狀以聞伏望 聖慈將忠恕亟賜罷黜令提舉司將元撥賜米斛一驅磨實數申尚書省仍乞下臣此章戒勵本路州縣凡奉行荒政之吏各當仰體 朝廷之至仁毋效忠恕之不仁其有沮格 上恩俾澤不下流坐視民飢而拯拯不力者並許監司按奏重寘之罰庶幾民命可全而和氣可充實一

道大幸謹錄奏聞伏候 勅旨

貼黃臣竊見忠恕以峻急苛暴之政歛怨於民去歲之秋宛陵之士有條民怨十事以示臣者蓋謂租賦之法自正數外一毫不當多取所以編之版籍給以牌由依數輸納以為一定不易之制而本府則不然牌由內明書納一寸則科納一尺明書納一尺一寸則科納二尺明書納一錢則科納一兩至於和買納絹亦將零寸責令盡納整數其怨一也本府受納夏稅秋苗不用文思斗斛而用私製

寬大斗斛兩歲以來加增收耗尤甚於前總而計之不啻多量一倍以上受納官隨印申府乞委官般量將加增收到之數為出剩以獻開場未幾所收出剩已可補足正數便行出榜責令入戶重價輸錢以歸府用其怨二也入戶輸納去年折苗錢以一石為率如納私米通用米二石二斗了納如納粳米通用米二石了納今年六月十一日以前私米每石八百文足粳米每石一貫文足更有官收水脚等錢共五百文足只合通計錢二貫五

百文足而官司估價每石納成三貫四百五文足則是每石多取民錢一貫文足其多收折來錢大畧亦同其怨三也他如公庫既造酒宅堂又造酒責令官吏沽賣以挽奪贍軍正庫之課額一有虧欠官員動遭責罰公吏例行決配而官吏怨坊場河渡之敗闕者不任興開虛負官錢無可償納家既籍沒身復監留餒瘠如鬼猶不釋放而坊戶怨宗子降生陳乞公據者逾年而不行陳乞起支者經年而不予近又初例坐倉回糴孤遺米并

酸淡官醢折支料錢而宗室怨軍人預借春衣錢每名抑支官酒七升虧折甚多禁不敢言而軍士怨中產之家有因科配賑糶破壞家業而怨者有為戶長以逼催逃閭稅賦鹽產代輸而怨者有無辜遭罹刑辟編竄他州骨肉離折而怨者臣始聞之猶疑其言之過尋求衆論皆謂信然方陛下宵旰勤民惟恐一夫不獲其所而忠怨身在近藩敢為殘忍以結怨于下一至於此臣以按察一道為職倘不亟加論奏使忠怨僥幸善辭或反叨

陞擢外臺耳目其將焉用此臣所以不敢嘿也伏乞睿照

嘉定九年二月二日三省同奉聖旨張忠恕與官見仍令江東提舉李道傳日下起發前

去時暫被推寧國府事

因明堂赦薦趙監微

臣等伏讀嘉定八年九月辛未明堂大禮赦書內一項應士人有節行才識學術素為鄉里推重不求聞達者委監司帥臣同加搜訪每路一二人仍與本州長吏具從來所為事實所通學術連街結罪保明聞奏即不得已常材備數委三省再加察訪如所舉不妄特與權用仰見

聖朝網羅遺逸之意臣等朝夕傳訪期所以稱塞明詔之萬一竊見文林郎監潭州南嶽廟趙蕃元祐故家學有源委識慮深遠節操清高蚤歲得官臨事有立年逾四十即上祠請隱居求志垂三十載矣安貧處約泊然無營少工于詩晚益平澹身雖閑退而愛君憂國之念未嘗少忘其在州里誘掖後進一以孝悌忠信為本蕃雖名在吏部然其行誼學識素為鄉曲所推不求聞達正應詔旨臣等既深知其為人又其家居適在所部庸敢輒以名聞伏望 朝廷更

加察訪如臣等所舉不妄即乞特加旌擢以厲士俗其於世教蓋非小補謹錄奏聞伏候 勅旨并申尚書省御史臺諫院照會

薦洪運管等官狀

臣一介迂愚濫將使指理財弊訟職務寔繁所賴僚屬相與協濟竊見承議郎江南東路轉運司主管文字洪彥華夫資樸茂學問淹該居常務自韜晦不以已長示人而徐考其所為則言行相副表裏如一養望衡之茶陵適值儉歲疚心拊字民無流亡至於應辦和糴招募効用皆

西山先生真文忠公文集

卷十二

十三

宋集珍
本叢刊

不擾而集諸司嘗以政最刻聞于 朝甫及期年以內艱去邦人父老懷其遺愛久而不忘繼宰信之上饒以惠利為政如在茶陵時然其恬退自將安於平進故知之者少臣謂如彥華者若加進用俾究所韞必有可觀從事郎前江南東路轉運司主管帳司趙彥覃賦性敏明恃身潔白鼎為鄂州錄參日其年尚少已為吳獵詹體仁所知目以佳士其在漕幕宣力最多振荒以來朝夕講究如已休戚臣以廣德兩縣舊傷尤甚九月間即令彥覃前往與本郡守二圖所

以拯救之方而能悉心盡瘁不憚勞苦凡所以區畫多違事宜給散有方人被實惠臣比循行至郡士民稱之如出一口聞其滿皆肯願借留臣謂如彥覃者若實之煩劇俾效所長亦必有以自見臣於二人者察之既熟又皆當代去儻不亟加論薦是謂蔽賢庸蔽賢聞以備采擇伏望 聖慈將彥華彥覃特賜旌擢若後不如所舉臣甘坐之謹錄奏聞伏候 勅旨并申尚書省御史臺諫院照會

奏乞將新知寧國府陳廣壽寢罷新命

西山先生真文忠公文集

卷十二

十四

宋集珍
本叢刊

臣伏觀進奏院報陳廣壽差知寧國府尋復有旨趣令之任臣竊惟江東一道自晉宋以來號為重鎮者金陵宣城而已有唐之世以宣為觀察府而屬郡隸焉肆我 孝宗龍飛陞揚府號蓋其疆場之廣康生齒之番庶地望之雄重大抵亞於金陵故為親王執政偃藩均佚之地而自十數年間廼有凋郡之目臣嘗博訪士大夫皆言此邦本自富實頃緣郡守不盡得人或廢偶不立而封殖其私或用度亡節而糜於浮費故其事體浸不逮昔今誠得一案已奉公之守

行節用愛人之政源流本末以漸講求則財計不患其不充公私不患其不裕今者郡守關入臣意陛下必將妙選循良以幸此州而後命再三乃得廣壽廣壽貪殘之迹人所共知其在臨川尤為暴橫清修之譽幾聞纖毫白奪之名交播衆口近因漕臣之言斥使去郡天下莫不共難朝廷從善之速而或者猶恨議罰之輕今曾幾時遽有此命夫撫之與宣雖均為名郡然其大小輕重要自不同使廣壽在撫以善最聞其發遷不過如此夫既嘗敗績於撫矣其可

西山先生真文忠公文集

卷十二

十五

宋集珍本叢刊

復使守宣乎既不能以善治撫矣其能以善治宣乎故自除目之傳公論籍籍如出一口况是邦新罹前守之虐民之被禍蓋匪一端至於開告訐之門興羅織之獄無罪而籍資產非辜而罰賍錢善良之家必此破蕩者其幾自李道傳被命承攝乃始以次蠲除斯民優有生意側聞廣壽在撫之日如前數事色色有之而其兇暴尤出忠恕之上今忠恕而去而廣壽是來所謂逐虎逢狼害將愈甚抑何宣人之重不幸也臣非不知國家用人務在含垢過而能改聖賢辨

之然大體可稱則一肯難廢不卒有過則自新可期若廣壽平生屢遭彈劾起家為郡當知聖朝拔拭之恩而貪暴亡狀廼更甚於曩昔其不可望其改過也明矣臣若顧避不言坐視千里之民再被塗炭豈惟下愧百姓實亦上負朝廷况今明良會聚之時進退人材率采公議刻印鎖印曾無咎難何所疑畏而不亟論奏伏望聖慈將廣壽差知寧國府指揮特賜收寢別選賢收以惠一方庶幾凋瘵之氓獲遂蘇息臣不勝至願謹錄奏聞伏候勅旨

西山先生真文忠公文集

卷十二

十六

宋集珍本叢刊

小貼于臣竊聞士大夫之論或以寧國為破落州郡非材健之吏不能興起臣嘗體訪本府財用之數頗得其實若量入為出自足矣吾使為郡守者蕩不妄取儉不妄費決無用度不給之理初不待以健決之人一切之政然後可為伏乞嚴照

按奏寧國府司戶錢象求狀上八月

臣竊惟方今仁聖在上愛養元元若保赤子凡百有位皆當恪意奉承使德澤下流鰥寡得所然後無負朝廷為民置官之意而臣所察

州廼有顯恣妄為貪霍相濟大吏以虎狼之威
搏噬於其上小吏以狐鼠之姦跳踉於其下輕
蔑國憲荼毒民生者臣儻不以聞則為失職昨
據宣城縣百姓施良陳懇知寧國府張忠恕妄
行抄籍家財本府司戶錢象求乘勢收擄錢物
等事臣亟索府案并追推吏張翼司戶聽吏汪
澄送上元縣根勘見得施良與兄施茶各居歲
久至嘉定三年施茶與男施耕同充本府軍資
庫子侵盜官錢事發配籍其在獄之日即無一
詞連及施良其後施耕自配所逃歸匿於宗子

西山先生真文忠公文集

卷十二

十七

宋集珍
本叢刊

趙通夫舍屢千施良勾貨錢物不能一一盡從
自此浸成嫌隙又緣本府追捕逃軍嚴急遂生
狡計以知府張忠恕見揭榜召人實封告許於
是撰造虛詞詣府陳告稱父施茶曾有官會七
百餘貫并金釵銀錢等物寄施良之家忠恕欣
然視為奇貨不待究實徑差司法前去封籍其
家仍就追施良送獄當盛暑中百端鍛鍊勒令
招認隱寄情罪盡將財產估賣填償計其所直
凡數十緡忠恕猶以為未足復將其婿田產併
行沒官展轉推求尚且未已又謂其女不應輒

妻宗室婚嫁數年且嘗有子必欲一旦此離其
為不仁孰甚於此臣竊考國家立法唯胥吏
犯枉法自盜贓至流以上者乃許籍沒施良
家本編氓初無過犯雖其兄姪嘗遭黥隸然具
居折產辜不相及借使真曾受竈錢物換之三
元不過斷罪監償亦無籍沒之理况施耕所告
逐併國家之法今朝廷之赦恩一切不顧
且自古及今未聞有止張告許之詞遽將人戶
封籍者亦未聞有先封籍而後進人者蓋忠恕

西山先生真文忠公文集

卷十二

十八

宋集珍
本叢刊

之心沉溺姦利民間訟懇稍涉錢之一字便欲
攫而取之何暇更考虛實姦猾之徒窺見此指
九其所欲陷害必曰某人罪當罰錢某人辜當
籍產忠恕一一施行被誣之民無能自脫若如
保正王椿以受船戶繳引錢四貫八百為人所
訐而籍其數萬之貲竹木牙人劉鵬等以多收
商旅牙錢為人所訐而罰令納錢三千貫諸如
此類非止一端案牘具有可以覆視江東張舉
早蝗宛陵為甚群情洶洶幾不聊生為郡守者
方且大開告訐之門數與羅織之獄奪斯民仰

事俯育之具而供其後費費用之資臣所謂大吏以虎狼之威搏噬於其上者忠恕是也當施良被籍之時司戶錄象求實受府徵估賣其財產因得挾城社之勢以行其穿窬之謀竊驚寧蓄則烹之以禦從人縑帛軟細則卷之以歸秘室據聽吏汪澄猥稱有木上帳之物係象求般去者十餘件如儒教燭炭綿紙札之屬是也有物重估輕象求以詭名買去者數十件如縑段衣物器器之屬是也以至館客婢僕亦皆紛然收買名雖酬直無異白取獨不念無辜被籍

西山先生真文忠公文集

卷十二

十九

宋集珍
本叢刊

之家冤痛方甚乘時攘竊豈所忍為臣所謂小吏以孤鼠之姦跳踉於其下者象求是也忠恕前已予祠臣不敢更乞行遣但其違法毒民之狀臣既考驗得實不敢不告于朝象求必貴入官人品猥下而敢為貪墨如此儻令僥幸漏網則繼此塵點仕路必將益肆其姦伏望 聖慈特賜重行鐫罷求不得與親民并職曹官差遣使州縣小吏少知所懲實斯民幸甚謹錄奏聞伏候 勅旨并申尚書省御史臺諫院照會

薦本路十知縣或續狀

臣等竊見江東一道為縣四十有三而號為難治者居其大半蓋上供送使為數寔繁有椿版帳率多白撰為令者朝夕惴恐惟財賦不辦是憂至於撫循疾苦伸理冤滯往往視為弗切上下循習謂之當然有能於煎熬之中少施寬裕之政不專以摧科為急而以字民為心其在臣等所當激勸今來諸物論得十人馬謹具列于左頃至奏聞者

宣教郎知徽州歙縣馬特卿器資清俊學識通明到官以來孜孜所職至誠篤實一意

西山先生真文忠公文集

卷十二

二十
宋集珍
本叢刊

在民催科有方不擾而集縣民程暉之子為盜所殺蹤跡曖昧莫知主名臣某委之緝捕乃能多設方畧日夜究心曾未數月罪人斯得姦兇盡伏究結獲伸考其風績可為本道之最

奉議郎知饒州鄱陽縣趙汝俞天族之英篤志為善清修雅淡有儒素之風當官而行不為阿徇廉靜無擾田里安之

宣教郎知信州弋陽縣柴景望學校舊人雅有士譽彊毅自立卓犖不群弋陽近歲凋

獎日甚自其到任極意爬梳結立義役以革紛爭賣弄之弊優卹戶長以除科較代輸之苦裁決獄訟一出至公人情翕然稱爲賢令

宣敎郎知信州玉山縣程榆天資靖重心術端良淹官之初遷郡守趙不據務爲苛暴官吏重足而立同時諸邑鮮不逢迎榆於其間獨能弗改常度慈祥豈弟藹然有循吏之風去夏邑境洪水驟至榆方在告力疾而出巡行拊勞不俟申請捐公錢以予

民賴以全活者甚衆

宣敎郎知池州青陽縣許漢學問淹該材力彊濟池之諸邑暴因宣限困於預借溪始至官遑遑儉錢朝夕勤瘁如理家然既償舊逋又免新借邑之瘡痍於是一洗亦賴以少紓蓋有功於此邑者

宣敎郎知太平州當塗縣王洽故侍講師愈之子天資粹雅操行整修其爲邑也心乎愛人用刑督賦常有不得已之意士民稱誦翕然一詞

西山先生真文忠公文集

卷十二

二十一

宋集珍
本叢刊

承事郎知寧國府宣城縣尤燭名家之子生長見聞宣城風號煩劇燭材力精敏治辦有方務以恩信及民不爲苛猛歲遭旱饑推行荒政曲盡其至殄除蝗蝻宣力尤多臣等每因百姓至庭試加訪問皆稱其賢已矣之訟番訴絕少

承議郎知建康府溧水縣俞遷老成詳練通知物情其治邑以省事不擾爲本人甚安之

奉議郎知池州貴池縣蔡汝揆廉謹自將精勤不懈奉行荒政能盡其心

奉議郎知池州銅陵縣魏執中持身恪謹爲政寬和始終如一有可稱者

右臣等所部縣令之可稱者雖非止此十人而得諸見聞間有未審者不敢遽加論薦自特知而下人品高下亦各不同大槩主於字民則皆在可取之域故臣等輒效舉爾所知之誼伏望朝廷特賜甄錄若後不如所舉臣等甘坐膠庠之辜謹錄奏聞伏候 勅旨

薦知信州丁黼等狀

西山先生真文忠公文集

卷十二

二十二

宋集珍
本叢刊

右臣疎庸一介誤蒙 陛下付以外臺耳目之

寄嘗竊自誓以爲臧否人物其責非輕倘一毫

輒徇其私則內愧此心外慚物議臣雖甚愚實

所不敢往者蓋嘗以公論弗容而効數更矣今

部內之官有爲公論所予而嘿不以聞何以道

蔽賢之罰臣竊見朝奉郎知信州軍州事丁黼

性本誠實學有師傳修身立朝物論素所推許

今爲郡守曾未數月循良豈第之政已流聞於

四方朝散郎通判建康府事曾孝年天資耿介

發行端莊出自名家老於州縣精明峻潔意氣

西山先生真文忠公文集

卷十二

二十三

宋集珍
本叢刊

不衰承議郎提領建康府戶部贍軍酒庫所主

管文字李宋性行粹溫規模詳縝早親師友多

所見聞澹然自持不爲苟進奉議郎分差建康

府諸軍糧料院楊若行方識遠論正氣平靜重

自將耻爲表襮從政郎建康府府學教授楊邁

篤於問學副以詞華心術端良操宇無玷此數

人者雖其職守不同然質諸衆論皆所謂君子

之才非區區擅一長辦一職者之比用敢仰體

清朝急賢之意各以實聞伏望 聖慈特賜甄

擢儻一詞繆妄臣甘伏罔上之誅謹錄奏聞伏

候 勅旨

申尚書省乞將饒州司戶趙時冲罷任狀

照對本司今月初六日承浙西提刑司牒稱有

平江府寄居婦訓即廬州將領趙礪夫有婢阿

郭出嫁與城居百姓李五爲妻既嫁之後仍復

不時取歸至則寄留去則復取其淫穢猥下士

大夫之所耻談逮其舅姑與夫不容其往趙忠

訓不勝一朝之忿同乃子趙司戶親戚沈元龍

帶領童僕十七人直至李五之家肆行威力

毆其舅姑壞其門戶碎其什物強取阿郭以歸

西山先生真文忠公文集

卷十二

二十四

宋集珍
本叢刊

幾同劫盜蔑視官府畧無忌憚本司送獄根勘

得實已將陪涉人各行斷遣外照得趙將領趙

司戶皆係見任官不在任所供職而歸鄉橫行

街市情理無狀且何郭乃將領司戶聚麀之人

獄司已盡得其情狀以其事醜穢不欲盡情根

究然則離任而共爲聚麀不得聚麀而輒肆兇

橫其可乎將勘到情節備牒饒州及江東諸司

請差人前來平江府追取趙司戶時冲還任本

司除已施行外竊見趙司戶時冲還任本

時冲身爲掾曹職在倉庫昨官離次已是罪人

況父子聚散尤爲可醜不加懲治無以厲其餘
仗望 朝廷特賜敷奏將趙時伸罷本任以爲
小吏不知靖共者之戒須至申聞者

奏乞將新知徽州林琰復罷新任

臣以非材謬蒙超除將漕江左一道休戚責實
在臣視事以來日夕兢惕常恐玷澄清之選猥
臨遣之恩竊見所部徽州地瘠民貧囊經回祿
之災舊觀未能盡復春夏以來亢陽爲害雨澤
未浹人情憂危正賴賢二千石悉心撫摩庶無
流離饑莩之患今在任守臣趙師端除承大府

西山先生真文忠公文集

卷十二

二十五

宋集珍
本叢刊

下政霍權得請奉祠日望朝廷遴揀良牧以幸
一方比觀進奏院報已差下林琰琰平生素履
臣不熟知第聞昔爲臺諫之時頗有交通關節
之跡若子與琰請囑紛紜至今都人以爲嗤笑
夫身在三朝至近也職居言路至嚴也以至近
至嚴之地猶徇私弗顧如此若付之專城之任
寄以千里之權必將政以賄成刑放于寵新安
之人其何賴乎況今旱苗之餘正以講求荒政
爲急琰嘗兩守偏郡治聲蔑然必不能推饑溺
由已之心解百姓倒垂之厄臣欲俟其到任然

後考察以聞重惟琰嘗歷從班州郡將迎費耗
必倍用敢先其未至冒昧有陳欲望 聖慈將
琰差知徽州指揮特賜收寢別選循良之吏惠
此凋瘵之民臣不勝大願謹錄奏聞伏候 勅
旨

洪武二十六年六月十一日省制三省同
奏

奏乞將太平州通判韓楚卿罷免

臣竊惟通守之職所以關決郡條苟非其人必
至貽害千里臣近據太平州申通判時子懋任
滿新通判韓楚卿已到任交割職事臣竊見楚
卿係憑城社旁若無人訟檄之日居多在官之

西山先生真文忠公文集

卷十二

二十六

宋集珍
本叢刊

日絕少由此縣道敗壞貽患後人推其源流蓋
自楚卿始當塗名郡地望素高加以早蓄之餘
講求荒政正賴倖貳得人相爲協濟如楚卿者
賢不堪任伏望 聖慈將楚卿罷免或與祠祿
別差作邑有聲績人通判本州實一郡之幸謹
錄奏聞伏候 勅旨

嘉祐八年六月十六日
奏

申尚書省乞將樂平大通監稅鑄罷免

某竊聞先儒程公顯有言一命之士苟存心於
愛物於人必有所濟今公卿大夫之子弟若右

列之初仕者大抵先歷任商之微似非親民比然寬厚廉潔者為之則民之蒙利必多暴酷貪婪者為之則民之受害亦眾益知先儒之言可信不誣其比以巡歷至饒州樂平縣有進士程林之百姓鮑貴鄉等訴本縣監稅進義副尉王昂之不法事凡數十狀某初未敢謂然遂檄弋陽主簿王晉體究其實乃知昂之以資入官天資狂恠監司有以為材者俾攝尉職由是恣為暴橫旁若無人其催科則將迤絕之稅袞入催帖勒令人戶代輸有送納少遲則於大雪

西山先生真文忠公文集

卷十二

二十七

宋集珍本叢刊

之夕槐其衣以當錢監留不放幾至凍死者有連日比較遭大杖七次剗劓雜下幾無全膚者其稱呼則以判院直閣自名百姓陳詞訟覆省幹而訊其手背掌心者其行轎則必欲市民起立有倉猝不及而猝至務廳綱吊決捷者邑人為之語曰寧逢三峽虎不直王監務則昂之之暴酷可知矣又因巡歷至池州有銅陵進士蔡興百姓曹汝迪等訴大通監稅承節郎李揚不法事凡數十條某亦未敢輕信遂將專攔數輩送獄鞠治乃知其信任胥徒苛証商旅米麥之

屬在法不許收稅則巧立名色虛喝數目以取贏五里之外在法不應捉稅則拘立繁節多差巡船以邀截陰與吏人相為囊橐日令買物供應庖厨魚肉茶鹽皆有定數饕餮之行無所不為据獄司所勘專攔所供揚前後受吏人錢以數百十計侵盜官錢為數尤多則揚之貪婪可知矣某見其罪狀甚明已將昂之對移信州指使揚對移池州指使二人者既皆獲罪於民難以復還本任伏望 朝廷特賜數奏將昂之揚並與鵠罷以為州縣小吏暴酷貪婪者之戒謹

西山先生真文忠公文集

卷十二

二十八

宋集珍本叢刊

具申尚書省伏乞指揮嘉定八年八月廿一日省劄奉 聖旨王昂一官資餘依

申將寧國府南陵縣尉汪相如罷職事

某竊聞士之行已篤實為先吏之臨民廉潔為本二者既虧雖小有材亦不足貴矣伏見迪功郎寧國府南陵縣尉汪相如少遊場屋頗有雋聲挾其寸長不修士檢居鄉之日把持縣吏脅之至死械繫于獄久之始脫浮薄無行鄉人鄙之及來南陵茂葉法守宦戶有欠城傳未納者縱容弓兵抑取錢物筆力不勝其苦而縊死僧